



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-14-4-6128/18

Datum: 08.05.2019. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16), člana 69. stav (3) Zakona o javnim nabavkama („Službeni glasnik BiH”, broj 39/14) u ponovnom postupku javne nabavke „Namjenskih ormara i klupa za svlačionicu za potrebe Uprave policije, Ministarstva unutrašnjih poslova Kantona Sarajevo“ - Otvoreni postupak, ministar unutrašnjih poslova Kantona Sarajevo d o n o s i:

O D L U K U

o otkazu postupka javne nabavke „Namjenskih ormara i klupa za svlačionicu za potrebe Uprave policije, Ministarstva unutrašnjih poslova Kantona Sarajevo”

I

U ponovnom postupanju ovog organa, u vezi sa Rješenjem Ureda za razmatranje žalbi, filijala Mostar, broj: JN2-03-07-1-823-7/19 od 25.04.2019.godine, **otkazuje se postupak javne nabavke „Namjenskih ormara i klupa za svlačionicu za potrebe Uprave policije, Ministarstva unutrašnjih poslova Kantona Sarajevo”**, iniciran na osnovu Obavještenja o nabavci broj 1364-1-1-44-3-35/18 od 22.10.2018. godine zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

II

Ova Odluka stupa na snagu danom donošenja.



Obrazloženje

Dana 06.09.2018. godine od strane ovog Ministarstva donesena je Odluka broj 01/14-4-6128 kojom je pokrenut postupak javne nabavke "Nabavka namjenskih ormara i klupa za svlačionicu za potrebe Uprave policije, Ministarstva unutrašnjih poslova Kantona Sarajevo".

Povodom navedene Odluke sačinjena je Tenderska dokumentacija i objavljeno Obavještenje o nabavci broj 1364-1-1-44-3-35/18 od 22.10.2018. godine na portalu javnih nabavki.

Tenderska dokumentacija je obezbjeđena za preuzimanje potpuno besplatno, te je istu u periodu od 22.10.2018. godine do 24.10.2018. godine preuzelo ukupno 19 potencijalnih ponuđača a izmjene i dopune tenderske dokumentacije je u periodu od 26.10.2018. godine do 15.11.2018. godine preuzelo ukupno 10 ponuđača.

Prema Obavještenju o nabavci i Tenderskoj dokumentaciji ponude su otvorene 20.11.2018. godine u 10:00 sati.

Dana 29.11.2018. godine donesena je Odluka o izboru ponuđača za nabavku „Namjenskih ormara i klupa za svlačionicu za potrebe Uprave policije, Ministarstva unutrašnjih poslova Kantona Sarajevo“, **te je kao najpovoljniji ponuđač odabran „Mira Mar“ d.o.o. Foča.**

Navedena Odluka dostavljena je svim ponuđačima poštom, te javno objavljena na internet stranici ovog Ministarstva.

Ponuđač „Mira Mar“ d.o.o. Foča preuzeo je navedenu Odluku dana 05.12.2018. godine.

Dana 11.12.2018. godine Komisija za javne nabavke ovog Ministarstva je, putem faks uređaja, zaprimila **žalbu drugorangiranog ponuđača „BOSNA KOM“ d.o.o. Gračanica** na Odluku o izboru broj **01-14-4-6128/18 od 29.11.2018. godine.**

Komisija za javne nabavke je nakon uvida u navode iznesene u žalbi i detaljnog razmatranja postupka, jednoglasno predložila ministru Ministarstva unutrašnjih poslova Kantona Sarajevo, da poništi postupak javne nabavke, **te je donesena Odluka o poništenju postupka javne nabavke „Namjenskih ormara i klupa za svlačionicu za potrebe Uprave policije, Ministarstva unutrašnjih poslova Kantona Sarajevo“ broj 01-14-4-6128/18 od 12.12.2018. godine.**


Dana 17.12.2018. godine Komisija za javne nabavke ovog Ministarstva je, putem faks uređaja, zaprimila **žalbu drugorangiranog ponuđača „BOSNA KOM“ d.o.o. Gračanica** na Odluku o poništenju postupka broj 01-14-4-6128/18 od 12.12.2018. godine.

Ugovorni organ je u izjašnjenju na žalbu detaljno obrazložio postupanje i predložio Uredu za razmatranje žalbi da potvrdi Odluku o poništenju postupka i odbije žalbu.

Dana 04.02.2019. godine dostavljeno je rješenje Ureda za razmatranje žalbi broj JN2-03-07-1-1799-9/18 od 31.01.2019. godine kojom je usvojena žalba ponuđača „BOSNA KOM“ d.o.o. Gračanica i **poništena Odluka o poništenju postupka broj 01-14-4-6128/18 od 12.12.2018. godine, te predmet vraćen prvostepenom organu na ponovni postupak sa datim uputama za postupanje.**



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



U ponovnom postupku prije provođenja drugih radnji utvrđeno je da su ponude svih ponuđača istekle, a usljed činjenice proteka roka važenja ponuda od 90 dana od dana otvaranja ponuda koji je naveden u tenderskoj dokumentaciji na strani 8. tačka 21. Tenderske dokumentacije za predmetni postupak javne nabavke.

S obzirom da niti jedan od ponuđača nije tražio produženje važnosti ponuda, a ni kod ugovornog organa nije postojala zainteresiranost za nastavak postupka, Komisija za javne nabavke je, a nakon detaljnog razmatranja činjenica, jednoglasno predložila ministru Ministarstva unutrašnjih poslova Kantona Sarajevo, **da poništi postupak javne nabavke iz razloga što je rok važenja ponuda istekao te je donesena Odluka o poništenju predmetnog postupka javne nabavke koja je dostavljena svim ponuđačima.**

Dana 25.03.2018. godine Komisija za javne nabavke ovog Ministarstva je, putem faks uređaja, zaprimila **žalbu drugorangiranog ponuđača „BOSNA KOM“ d.o.o. Gračanica** na Odluku o izboru broj 01-14-4-6128/18 od 12.03.2019. godine.

Ugovorni organ je u vezi sa navodima iz žalbe sačinio detaljno izjašnjenje te isto zajedno sa žalbom i ostalom pratećom dokumentacijom dostavio na razmatranje nadležnom Uredu za razmatranje žalbi te istom predložio da potvrdi Odluku o poništenju postupka i odbije žalbu.

Dana 29.04.2019. godine na adresu Ugovornog organa zaprimljeno je Rješenje Ureda za žalbe broj JN2-03-07-1-823-7/19 od 25.04.2019. godine kojim se žalba usvaja, **poništava Odluka o poništenju postupka i predmet vraća ugovornom organu na ponovno postupanje** uz navode da ugovorni organ ne može poništiti postupak javne nabavke zbog isteka važnosti ponuda jer istek važnosti ponuda prema stavu Ureda iste ne čini neprihvatljivim, te da ugovorni organ može okončati postupak javne nabavke tako što će poništiti postupak samo iz razloga nabrojanih u članu 69. stav (2), otkazati postupak u skladu sa članom 69. stav (3), ili zaključiti ugovor o javnoj nabavci.

Ured dalje u svom rješenju nalaže ugovornom organu ponovni postupak u kojem će se postupiti po stavovima Ureda iznesenim u rješenju i okončati postupak u skladu sa Zakonom o javnim nabavkama.

U istom rješenju Ured upućuje ugovorni organ da su rješenja Ureda konačna i izvršne te da Zakon o javnim nabavkama u slučaju neizvršenja rješenja propisuje novčanu kaznu za prekršaj ako se ne izvrši rješenje Ureda.

Komisija za javne nabavke ovog organa je po nalogu Ureda za ponovno postupanje, dana 03.05.2019. godine sa početkom 09.00h, u prostorijama Ministarstva unutrašnjih poslova Kantona Sarajevo održala sastanak na kojem je sveobuhvatno razmotrila stavove Ureda navedene u Rješenju.

U skladu sa navedenim, u ponovnom postupanju utvrđeno je sljedeće:

Ovaj postupak javne nabavke pokrenut je u septembru 2018. godine.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Naime, ugovorni organ je budžetu za 2018. godinu imao obezbjeđena sredstva za realizaciju predmetne nabavke i ista je bio sadržana u Planu javnih nabavki za 2018. godinu.

Kako je članom 4. stav (2) Zakona i izvršavanju budžeta Kantona Sarajevo za 2018. godinu (Službene novine Kantona Sarajevo broj 51/2017) propisano da budžetski korisnici sredstva budžeta mogu koristiti samo za namjenu koja je utvrđena budžetom i u skladu sa finansijskim godišnjim planom, u 2018. godini je započet predmetni postupak javne nabavke.

U postupku nabavke ugovorni organ je svojim radnjama u potpunosti poštivao rokove propisane Zakonom o javnim nabavkama ali u vrijeme pokretanja postupka nije znao niti je mogao znati da će drugorangirani ponuđač zbog konkurentskih takmičarskih interesa koji su vidljivi na tržištu javnih nabavki između ponuđača ulagati žalbu na svaku Odluku ovog organa radi dodatnog prolongiranja realizacije postupka javne nabavke. Ugovorni organ na sve to nije mogao uticati nego samo trpi štetne posljedice zbog takvog postupanja ponuđača.

Ovaj ugovorni organ je rješenje Ureda za ponovno postupanje zaprimio u novoj budžetskoj godini, odnosno 2019. godini, međutim, prema budžetskom kalendaru budžetski zahtjev za 2019. godinu podnosi se do 15.08.2018. godine, odnosno sredstva za predmetnu nabavku nisu niti planirana niti odobrena u budžetu, a samim tim ni u Planu nabavke za 2019. godinu.

Na osnovu svega naprijed navedenog nesumnjivo je da je ugovorni organ imao planirana i odobrena sredstva za predmetnu nabavku u budžetu Ministarstva unutrašnjih poslova Kantona Sarajevo za 2018. godinu (neurošena, vraćena u Budžet Kantona Sarajevo) ali ne i u budžetu za 2019. godinu, te je ovaj postupak javne nabavke primoran otkazati, odnosno okončati na način kako je i okončan.

Stoga Komisija za javne nabavke ovog Ministarstva jednoglasno predlaže Ministru da se donese Odluka o otkazu predmetnog postupka javne nabavke iz gore dokazanih razloga koji su van kontrole ugovornog organa i koji se nisu mogli predvidjeti u vrijeme pokretanja postupka, odnosno u vrijeme pokretanja postupka upravni organ je raspolagao sredstvima za realizaciju istog a u budžetu ovog ministarstva u budžetskoj 2019. godini ne postoje sredstva za realizaciju postupka.

Cijeneći naprijed navedeno donesena je odluka kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ministarstvu unutrašnjih poslova Kantona Sarajevo u roku od 10 (deset) dana od dana prijema, a u skladu sa članom. 99. i članom 101. stav (1) Zakona o javnim nabavkama.



MINISTAR

Admir Katica

Dostaviti:

1. Upravi podrške;
2. Komisiji za nabavke;
3. Kabinet ministra-stručni savjetnik za odnose sa javnošću;
4. Ponuđačima u postupku javne nabavke i
5. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

